

रणतभवंबर सु आविया ओ बाबा दुन्डाला भजन लिरिक्स



रणतभवंबर सु आविया ओ बाबा दुन्डाला,
कोई ले रिद्ध सिद्ध ने साथ,
रिद्ध सिद्ध करो बिनायक सुंडाळा।bd।

चौकी घाला बेसणी ओ बाबा धुंडाळा
कोई दूध पखारां पांव,
म्हारे घर आवो बिनायक सुंडाळा
रणतभवंबर सु आविया ओ बाबा दुन्डाला।bd।

चावळ रांधा ऊजळा ओ बाबा धुंडाळा,
कोई हरिये मूंग री दाळ,
रिद्ध सिद्ध करो बिनायक सुंडाळा,
घी बरतांवां टोकणा ओ बाबा धुंडाळा,
कोई जालापूर री खांड,
म्हारे घर आवो बिनायक सुंडाळा,
रणतभवंबर सु आविया ओ बाबा दुन्डाला।bd।

थाळ परोसे पदमणी ओ बाबा धुंडाळा,
कोई झांझर रे झणकार,
रिद्ध सिद्ध करो बिनायक सुंडाळा,
जीमत निरखां आंगळी ओ बाबा धुंडाळा,
कोई बोलत निरखां दांत,
म्हारे घर आवो बिनायक सुंडाळा,
रणतभवंबर सु आविया ओ बाबा दुन्डाला।bd।

ऊंची मेड़ी रावटी ओ बाबा धुंडाळा,
कोई दिवलो जगे मसाल,
रिद्ध सिद्ध करो बिनायक सुंडाळा,
बटै बिनायक पोढ़िया ओ बाबा धुंडाळा,
कोई रिद्ध सिद्ध चांपे पांव,
म्हारे घर आवो बिनायक सुंडाळा,
रणतभवंबर सु आविया ओ बाबा दुन्डाला।bd।



रणतभवंर सु आविया ओ बाबा दुन्डाला,
कोई ले रिद्ध सिद्ध ने साथ,
रिद्ध सिद्ध करो बिनायक सुंडाळा।bd।

भजन प्रेषक – विवेक अग्रवाल
९०३८२८८८१५
